



赤水玄珠

外科門

世五

武  
516  
9698



武  
516  
26



外科赤水玄珠小引

生又子曰予輯赤水玄珠全集矣又次  
外科為二卷者曷以故外科雖各形之  
疾不傳肯察治亦不易予故集前矣已  
試之方載二卷中俾專門外科者舉二  
卷而披閱之症與方森然在目所守者

赤  
水  
玄  
珠  
全  
集  
卷  
二  
第  
一  
頁

不約而所施者不博乎不然遍觀全集  
不苦於目力之難竟而亦艱於簡衷之  
携持矣同志者幸鑒予衷焉

外科小引

五發癰疽論

背疽其源有五

疔瘡

雜瘡

癰

瘡科總論

華佗癰疽瘡腫論

赤水玄珠外科第三十五卷目錄

外科小引

五發癰疽論

背疽其源有五

疔瘡

雜瘡

癰

瘡科總論

華佗癰疽瘡腫論

赤水玄珠

外科 第三十五卷目錄

五發癰疽通治方

反花瘡

婦人陰瘡

臙瘡

赤水玄珠外科第三十五卷

新安生生子孫一奎著輯

○外科門小引

生生子曰外科最重者莫如癰疽最急者莫如喉  
風疔腫患之者生死立見其餘瘡癩皆可緩圖  
非若上三証急若風火也究其受病之源經曰  
營氣不從逆于肉理乃生癰腫又曰膏粱之變  
足生大疔又曰六府不從晉結為癰又曰諸痛  
痒瘡瘍皆屬心火大抵皆氣血虛弱蘊鬱熱毒

調養失宜之所致也予固非專門外科蓋常咨訪推究頗知治法大射茲採前人所論癰疽証治載列卷首疔瘡腫瘍次之陶節癰疽經薛立齋外科精要二書實外科權輿業是者不可不使之隨囊檢視能熟此二書鮮有敗事予固特舉歷試有功者揭出以告同志云

○瘡科總論

夫癰疽瘡癤者皆由氣血不和喜怒不時飲食不節寒暑不調使五臟六腑之氣拂鬱于內以致陰

陽乖錯氣血凝滯而發也亦有父服丹石燥熱之藥熱毒結深而為癰疽也夫癰疽之疾多生於膏梁富貴之人以其平昔所食肥膩炙博安坐不勞嗜慾無節以致虛邪熱毒內攻煎熬氣血而成也癰者壅也大而高起屬乎陽其脉浮數疽者沮也平而內發屬乎陰其脉沉數瘡者總名也癰者有頭小瘡也經云諸痛痒瘡皆屬心火蓋心主血而行氣若氣血凝滯挾心火之熱而生癰疽之類也然所感有淺深故所發有輕重大小之不同也六

新州志卷之三十五  
府積熱騰出於外肌肉之間其發甚甚皮腫光軟  
侵襲廣大者癰也五臟風毒積熱攻注於肌骨其  
發猛惡初生一頭如瘡癩白色焦枯觸之而痛應  
心者疽也熱發於皮膚之間浮腫根小不過二三  
寸者癰也夫癰發於六府若燎原之火外潰肌肉  
疽生於五臟沉澁難療若陶室之燧內消骨髓癰  
則易療惟難將息而遲瘥疽則難療而易痊夫諸  
瘡之中惟背疽疔瘡最為急症其次莫如腦疽腸  
癰喉癰之類亦其急者也至若癰癰懸癰痔漏諸

瘡之類其証可緩而治也又有疥癬癰瘡風疔之  
類雖云俱屬瘡類而其輕重緩急自有不同也夫  
癰疽之疾要須察其是虛是實是冷是熱或重或  
輕對証用藥無失先後次序凡人年四十以上頭  
頂鬢頤背脊腰背或筋骨之上所視不見之處稍  
有瘡癰便不可輕易待之若視之怠慢以為常疾  
每見至微至著喪命者多矣便宜速急治之庶幾  
得救譬之救火初起則易救至于燎原之勢不可  
撲滅矣其理亦由是也凡瘡未破毒攻臟腑一毫

熱藥斷不可用此是先後次第之妙訣也夫瘡有五善七惡不可不辨若動息自寧飲食知味一善也便利調勻二善也膿潰腫消色鮮不臭三善也神彩精明語聲清亮四善也身氣和平五善也如煩躁時嗽腹痛渴甚泄利無度小便如淋一惡也膿血大泄焮痛尤甚臭惡難近二惡也喘粗短氣恍惚嗜卧三惡也未潰先黑久陷面青唇黯便汚者四惡也肩項不便四肢沉重五惡也不能下食服藥而嘔食不知味六惡也舌嘶色脫唇鼻青黑

面目四肢浮腫七惡也更有氣噫痞塞效逆身冷自汗無時目瞪耳聾恍惚驚悸語言頻錯皆惡証也五善見三則差七惡見四必危若五善并至則吉而安七惡全見必危而死矣已上所論大綱其諸証候治法列論于後

○五發瘡疽論

夫五發瘡疽者謂發背發腦發鬚發眉發頤是也人之一身血氣周流而無間稍有壅聚莫不隨所至而發焉又豈特五者哉夫發背者乃五臟風熱

六府邪毒灌于筋骨之間發于經絡之內榮衛虛損氣血衰殘所致也其發初如粟米大景不可輕忽後必大發也若初起紅腫高起者後必不為害故曰外形如粟中可容谷外貌如錢裏可着拳如惡毒深滿膿血交粘用藥可痊若膿臭穢無絲此血敗氣衰陽絕陰盛必難療理治初起或陰塌不起便可用艾多灸或隔蒜灸之如痛灸至痒如痒灸至痛此最妙法也若疔瘡已成亦可用火烙開瘡口則易治也若瘡高起為癰則易治平陷為

疽則難治癰疽形症已具前總論中茲不復論至如發腦發眉發鬚發頤地位不同然皆由內臟伏陽結滯邪毒上壅隨其經絡地分而發也其諸發癰初起皆宜宣散熱毒要須看人元氣虛實而治之庶不悞矣若元氣實者亦可用大黃之劑泄去毒氣或用漏芦五香連翹之類皆可用內托十宣之類補之亦有陰瘡寒塌不起雖云用灸然亦不可服寒涼之劑亦宜以燻藥溫之全在活法不可執一也其敷貼洗藥具方于下隨症用焉



外科精要曰癰疽既久即服藥以護腑臟如護心  
散凡有疽疾早進數服使毒氣外出而無嘔吐之  
患否則咽喉口舌生瘡或黑爛如菌若瘡發四五  
日之後宜間用別藥治之

又曰護心散乃鮮金石發疽之藥若發熱焮腫作  
渴飲冷而嘔者宜之若發熱焮腫作渴飲湯而嘔  
者不宜用之蓋脾虛停痰或寒邪內侵或痛傷脾  
胃宜用六君子湯若喉舌生瘡或口乾作渴或小  
便頻數宜用六味九大凡諸瘡作嘔若飲冷便秘

是執毒也黃連消毒散解之飲冷便和是胃火也  
竹葉石膏湯清之懶食飲湯是胃虛也補中益氣  
湯補之大便不實喜飲熱湯是脾胃虛寒也六君  
子加炮姜以溫之常見脾胃虛弱者用護心散反  
致胃寒嘔惡其喉舌生瘡乃腎水枯涸虛火炎上  
其証甚惡急用加減八味丸多有得生者

又曰癰疽嘔逆是毒氣冲心非脾胃之冷當服內  
托散楊氏云鼻衄初愈不曾表注毒在經絡則背  
大道自肩背連腰脇腫硬如石其色紫黑以涼藥

投之終夜大嘔連進托裏散嘔止瘡潰赤水淋漓  
四十日而愈又有患瘰者痛過輒嘔服托裏即止  
今有痘病不服此藥者故引楊氏之言以解世人  
之感

○華佗瘰疽瘡腫論

夫瘰疽瘡腫之作皆五臟六府蓄毒不流非獨因  
榮衛壅塞而發也其行也有處其止也有歸假令  
發於喉舌者心之毒發於皮毛者肺之毒發於肌  
肉者脾之毒發於骨髓者腎之毒發於下者阴中

之毒發於上者阳中之毒發於外者六府之毒發  
於內者五臟之毒故內曰壞外曰潰上曰從下曰  
逆發於上者得之速發於下者得之緩感於六府  
則易治感於五臟則難瘰又近骨者多冷近膚者  
多熱近骨者久不愈則化成血蟲近膚者久不愈  
則傳氣成漏成虫則多痒少痛或先痒後痛成漏  
則多痛少痒或不痛不痒內虛外實者多痛少痒  
血不止則多死潰膿則多生或嘔逆無度飲食無  
時皆瘰疽候然症候多端要當詳治

赤人

三卷

九

薛立齋曰癰瘍生虫乃肝經風熱其成漏乃元氣  
虛弱其出血乃脾虛有火其潰膿乃元氣充實至  
於嘔逆等証屬脾胃虧損所致當調補元氣庶保  
無虞

○背疽其源有五

一 天行二 瘦弱氣滯三 怒氣四 腎氣虛五 飲冷酒  
食炙博服丹藥

○治癰疽用藥大綱

一 初患癰疽便服內托散以免後來口舌生瘡仍

用騎竹馬或隔蒜灸

- 一 服五香連翹湯如大便疎快即止仍量入虛實
- 一 癰疽潰後宜服排膿內補散若嘔逆木香湯下
- 一 癰疽初作便宜灼艾及麥飯石膏塗四圍中留  
口出盡如瘡小通傳之既潰用神異膏帖之
- 一 癰疽已潰日用猪蹄湯淋洗將愈之際三日一  
次
- 一 癰疽將斂宜用神異膏如毒未及不可遽用生  
肌之劑

一癰疽將安宜用加味十全湯補其氣血庶肌肉  
 易生  
 一背疽多先渴而後發或先疽而後渴不救者多  
 矣若服加減八味丸非特杜絕渴疾抑亦大滋  
 氣血生長肌肉  
 一癰疽嘔逆有二一因初發不服內托散伏熱在  
 心一因脾氣不正伏熱在心者則心煩身熱欬  
 腫作痛宜用內托散三兩服之脾氣不正者則  
 不煩熱或聞穢氣作嘔宜用嘉禾散如有寒熱

用不換金正氣散五更初兼服山藥丸以補腎

○癰疽用香藥調治論

伍氏曰氣血聞香則行聞臭則逆大抵瘡瘍多因  
 營氣不從逆於肉理鬱結為膿得香則氣血流  
 行故服五香連翹湯萬金散金粉散凡瘡本腥  
 穢又聞臭觸則愈甚若毒入胃則咳逆古人用  
 之可謂有理且如飲食調令香美以益脾土養  
 其真元可保無虞矣

○五發癰疽通治方

示  
 五  
 示  
 五  
 示  
 五

漏芦湯 治一切惡瘡毒腫丹瘡癰癤疔腫魚臍

五發癰疽初覺一二日便如傷寒頭疼煩渴拍

急惡寒肢體疼痛四肢沉重恍惚悶亂坐卧不

寧皮膚壯熱大便閉滯小便赤黃並皆服之

姪婦勿服 漏芦 白斂 黄芩 麻黄去節

枳實炒去白 升麻 芍藥 炙甘草 朴硝各

大黃二兩 右每服三五錢看虛實用水煎空心

熱服 五香連翹湯 治諸瘡腫初覺一二日便厥喉咽

塞發寒熱 乳香 木香 木通 大黃各一錢半

連翹 沉香 獨活 桑寄生 丁香 射干

升麻 射香另研各一錢 甘草五分 姜三片水煎

不拘時服 托裏護心散 治諸疔腫發背曾經汗下毒氣攻

心迷悶嘔吐而痛可服二三服 乳香一兩

菴葶粉四兩和勻每服三錢甘草湯調服

神仙蠟礬丸 此藥不問老幼皆可服之服至一

兩已上無不取效最止疼痛不動臟腑委是神

水珠

効活人不可勝數

白礬明亮者一兩研

黃蠟七錢

提起待少冷入礬末不住手攪勻

右衆手丸如梧桐子大倘

蠟冷不能丸以滾湯頓之便軟每服二十九漸

加至三四十九白湯或酒吞下如未破即內

消已破即便合如服金石發動致疾更用白礬

末一兩匙頭溫酒調下亦三五服見効有人遍

身生瘡狀如蛇頭服此亦効諸書皆稱神奇但

一日之中服近百粒則方有功此藥能防毒氣

內攻蓋能護膜也切不可欺其淺近而忽之始

終服過半斤必能萬全瘡愈後服之尤佳

一方治蛇咬只將化白礬乘熱滴傷處痛即止毒

氣即趕出立見効驗要知白礬大能解毒也

千金托裏散治一切瘡腫發背疔毒若氣血虛

而不能作膿或潰後膿清痛仍不減最宜服此

便能排膿止痛黃耆半兩厚朴防風

桔梗各二兩連翹二兩木香沒藥各三錢

乳香二錢當歸五錢川芎白芷芍藥

官桂二錢大參甘草各一兩右為細末每服三

錢酒一匙蓋煎三沸溫服

十六味流氣飲 治無名惡瘡癰疽等症 川芎

當歸 芍藥 防風 人參 木香 黃芪

官桂 桔梗 白芷 枳殼 厚朴 烏藥

紫蘇 只壳 甘草各一錢 右作一帖水煎食服

內托羌活湯 治尻臀生癰堅硬腫痛大作

羌活 黃柏酒製各二錢 防風 歸尾 藁本

連翹 蒼朮 陳皮 炙甘草各一錢 肉桂三分

黃芪半錢 水一鍾酒半鍾煎八分食前服

清心內固金粉散

一名金花散

專治惡瘡熱

盛燉痛煩躁作渴此藥解毒

辰砂研

白茯苓

人參

甘草各三錢

菴荳粉四兩

雄黃錢一

冰片

白荳仁

朴硝各五錢

射香與冰片各一錢

右以參

苓荳蔻為末入研藥和勻每服一錢半蜜湯調

麥飯石膏方又名鹿角膏

白麥飯石

其石類色

飯團者研細末所用鹿角要生者自解者不用截作二三寸長炭火內煨令烟盡為度研末為細白歛末為細末右將麥飯石用炭火煨紅以好米醋淬過如此煨淬十次研為極細末每用二

兩白斂末二兩鹿角灰末四兩同入乳鉢乳令  
無聲方有效驗若研不細敷上作痛若研得極  
細如眼藥一般極能止痛排膿收口量藥末多  
寡用經年好米醋入銀石器內煎令魚眼沸却  
旋入前味藥末在內用竹篦子不住手攪  
熬一二時久令稀稠得所傾出磁盆候冷以帛  
蓋密勿惹塵灰每用時先用猪蹄湯洗去癰瘡  
上膿血至淨以故帛挹乾以鷲翎拂藥膏塗敷  
四圍凡有赤處盡塗之但番中心一竅如錢大

以出毒氣膿血如瘡未潰能令內消如已潰則  
排膿如湍水逐日見瘡口收斂如患瘡久肌肉  
腐爛筋骨出露用舊布片塗藥以貼瘡上但肉  
膜終穿亦能取安洗瘡勿以手觸動嫩肉仍忌  
口氣及有膿氣之人并月婦皆令忌之此方  
但得好帶蓋鹿角好麥飯石精度修合勝用他  
藥多矣仍可熬取好米醋一大碗候逐日用藥  
於瘡上俟乾便以鷲毛蘸醋拂潤勿令緊也初  
用須一日一洗換十日後兩日一換



排膿內補十宣散 一名十奇散 一名內補散 治癰疽瘡癤未成者速散已成速潰敗膿自出無用手擦惡肉自去不用刀針服藥後其痛頓減效驗如神

人參 當歸 黃耆 各二兩 甘草 川芎 防風 厚朴 姜汁炒 苦梗 白芷 薄桂 各一兩 右為末每服三錢酒調下日夜各數服以多為妙服至瘡口潰更服為嘉不飲酒人濃煎木香湯調下然終不若酒力之勝或飲酒不多能勉強以木香湯薑酒調下亦可

乳香黃耆散

治一切惡瘡癰疽發背疔瘡痛疼不可忍者或未成者速散已成者速潰不假刀砒其惡自下 又打撲傷損筋骨疼痛並皆治

黃耆 當歸 川芎 麻黃 去根 甘草 人參

芍藥 各一兩 嬰粟壳 蜜炙 陳皮 各一兩 乳香 沒藥 各五錢

每服五六錢水煎服

黃耆湯 治一切瘡腫癰疽並宜服之

黃耆 川歸 酒洗各一兩 大黃 芍藥 陳皮

炙甘草 各五錢 右加生姜三片水煎服

托裏內補散 專治一切惡瘡潰爛出膿之後宜服之

人參 川歸 川芎 白芍 甘草 白芷

防風 白朮 茯苓 官桂 黃耆 金銀花

各等分水煎服

護心散 治癘氣冲心嘔吐又名不炙甘草

硃砂飛各錢 芫荳粉炒二錢 為細末作一帖白湯調下

當歸連翹散 清熱解毒通瀉大小便 當歸

連翹 梔子仁 芍藥 金銀花各一兩 黃芩五錢

右每服五錢水二鍾煎七分空心溫服如欲通

大便加大黃二錢待藥煎將熟入之再煎一二沸服之

托裏散 治一切惡瘡發背疔疽便毒始發脈洪

絃實數腫甚欲作膿者 當歸 括萎根半錢

大黃三錢 皂角刺 牡蠣 朴硝 連翹各一錢

金銀花 赤芍藥 黃芩各一錢 水酒各一鍾煎服

乳香止痛散 治一切瘡腫疼痛不止

乳香 沒藥各一錢 丁香五分 粟壳 白芷

陳皮 炙甘草 水煎服

赤水玄珠 全五卷

加味當歸飲子 古云諸瘡皆屬心火、鬱則發

之 當歸 生地 升麻 各五錢 防風 半二錢

荆芥穗 何首烏 各一錢 柴胡 白芍藥 川芎

羌活 黃耆 各三錢 紅花 蘇木 甘草 各一

每服五錢 生姜三片 煎或沐浴取微汗 効速 仁

血氣通暢 服藥應効

托裏溫中湯 治瘡為寒變而內陷者 膿出清解

皮膚涼心下痞滿 腸鳴切痛 大便微溏 食則嘔

氣短促 吃逆不絕 不得安卧 時有昏憤

丁香 沉香 茴香 陳皮 益智仁 各一錢

木香 半一錢 羌活 良姜 炮三錢 黑附子 炮去皮 四錢

炙甘草 錢二 姜三片 水煎服 忌生冷

猪蹄湯 治一切瘡疽并諸腫毒 消毒氣去惡肉

凡瘡有口便須用此湯洗 黃芩 白芷

赤芍藥 川歸 羌活 生甘草 露蜂房 有

兒者各 等分 先將獾猪前蹄兩隻重一斤 只用白

水三升 煮軟 將汁分作二次 澄去面上油 并下

肉渣 每次用藥一兩 投于汁中 再用文武火煎

赤水玄珠 全五卷

十數沸去渣以故帛蘸湯溫徐措瘡上死肉  
惡血隨湯而下洗淨訖以帛拭乾仍避風忌人  
口氣吹之有狐臭人及月婦猫犬並不宜入病  
人房中洗瘡切忌手觸洗疽之方甚多惟此方  
極妙其用露蜂此甚有理蓋以毒攻毒也

麥門冬湯 瘡疽潰後膿水不絕 麥門冬

黃耆 五味子 人參 官桂 當歸 遠志

白苓 芎藭 各一 炙甘草 錢三

姜一片束二枚水煎

四虎散 治諸疽腫硬厚如牛皮按之痛

天南星 草烏頭 半夏 狼毒

各等分為細末醋蜜調敷晉頭出氣

內托散 諸腫毒惡瘡一服立愈 便毒 大黃

牡蠣 錢各五 甘草 錢三 括萎仁 二兩如無用 山梔子亦可

右分三帖水煎服

鉄井欄 治無名腫毒背疽以此圍之晉口出氣

芙蓉葉 重陽 蒼耳 端午前收 為末以蜜水調

五香湯 諸瘡入腹托裏 丁香 木香 沉香

正乳香各一兩 人參一兩 射香三錢 嘔惡者去之加藿香

右為細末每服三錢水一盞煎六分空心熱服

總錄聖惠千金外臺治諸瘡腫方中皆載此方

大同小異大抵專治毒氣入腹煩悶氣不通者

其餘熱結昏昧口燥咽乾大便硬小便澀者未

可與服

止痛當歸湯 治腦疽發背穿潰疼痛

當歸 黃耆 人參 官桂 芍藥 炙甘草

生地各一兩 每服五錢水煎服

金銀花散 發背惡瘡托裏止痛排膿 金銀花

無花藤葉 代之四兩 甘草八錢 分為三帖酒水各半煎服

拔毒散 治熱毒丹腫遊走不定 寒水石生用

石膏生用各四兩 黃柏 甘草各一兩 為細末新汲

水調掃之或油調塗之或帛花上攤貼以涼水

潤之

寸金丹 二名返魂丹 三名再生丸 四名追命丹

六名來甦丹 七名知命丹 八名得道丸 非人勿

示若有人患瘡身未爛者與三丸服之嚥下便

赤火公朱

活如口噤，幹開研化，灌之下喉，立生。治發背腦疽，癰腫遍身，附骨腫痛，先覺時飲水，口中煩渴，發熱四肢沉重，身軀壯熱。射香一分，乳香一分，輕粉，烏金石，雄黃，狗宝，沒藥各一錢，蟾酥二錢，粉霜，黃蠟各三錢，硃砂五錢，鯉魚胆七條，狗膽各一枚，頭男胎乳一盞，金頭蜈蚣七條，酥炙，全用。右俱為細末，以黃蠟熬成膏子，和勻為丸。茺菫大小兒丸如芥子大，每服一丸，病重者加三丸。白丁香七枚，研爛，新汲水調送下，被蓋。

出汗勿令透風，凡服藥後喫白粥，瓜瓞就睡，大妙。頭瘡腫痛，不過三服。

定痛托裏散 一切瘡腫疼痛不可忍，如年少氣

實先用，疎利後服。此藥 川芎 川歸 乳香

白芍藥 沒藥與乳香各一錢半 官桂一錢 御米壳去筋膜炒

錢二 水煎服

柞木飲子發背癰疽已成未成並宜服之

乾柞木葉四兩 乾荷葉心蒂 萱草根

甘草節 地榆各一兩 右為末，每服五錢，水煎服。

早晚各進一服

內托千金散 瘡疽發背腦疽乳癰諸瘡癰未成者自散已成者即潰 人參 川歸 黃芪

川芎 防風 白芍 官桂 桔梗 白芷

甘草 括萎 金銀花 各等分 痛甚者加

當歸乳香沒藥芍藥 每服七八錢水煎臨服

加好酒半盞溫服日進二三服若瘡口有黑血

出及有汗出者此藥之功也

牛膠飲 截瘡疽惡瘡發險處服之使毒氣不攻

於內不傳惡証

牛皮膠 通明好者淨洗 乾秤四兩為則

右用酒一碗入膠納重湯頓令膠撓勻傾出更

浸酒隨意飲尽若善飲者以醉為度亦用酒煎

却浸以白湯飲尽為佳此法活人甚多

國老膏 一切瘡疽俱發預期服之能消腫逐毒

使毒氣不內攻功效不具述 大甘草 有粉者 二斤

槌令碎河水浸一宿搽令漿汁濃去渣再用綿

濾過銀石器內慢火熬成膏以磁罐收之每服

一二匙無灰酒侵入或白湯亦可不拘時服曾

服丹劑燥藥亦解之或微利無妨  
遠志酒 一切瘰癧發背惡毒有死血陰毒在中  
則不痛敷之則痛有憂怒等氣積而內攻則痛  
不可忍敷之則不痛或熱蘊在內熱逼入手不  
可近敷之即清涼或氣虛血冷潰而不斂敷之  
即斂此乃韓大夫宅用以救人極驗若七情  
內鬱不問虛實治之必愈 遠志米泔浸洗  
去心苗  
右為細末酒一盞調藥末三錢遲頃澄清飲之  
以渣敷病處

忍冬酒 瘰癧發背初起時便當服此不拘瘰癧發  
何處及婦人乳癰服之皆有奇効外以麥飯石  
膏及神異膏塗之其効若神 忍冬藤生取  
大握以葉入砂盆內爛研入好酒或生酒尤佳  
調和稀稠得所塗敷四圍中心置一大錢出氣  
仍用忍冬藤五兩用木槌  
微搗不可碎甘草節兩  
右入砂瓶內水二碗文武火慢煎至一碗入  
無灰好酒一大碗再煎十數沸去渣分為三次  
服一日服盡如病勢重一日夜再進一劑服至

外科 卷五 三



大小腸通利藥力乃到。若無生者用乾者終不及生者力大而効速其功勝於紅肉消。

神仙截法 瘰癧發背一切惡毒預服此藥毒氣不內攻可保無虞。真麻油一介銀石器煎升數沸傾出冷用

右以無灰酒兩碗侵入油重湯溫稍熱通口急服一日尺之為妙或疾發數日者亦宜急服之。佳此法乃吳侍御家云三代用之無不驗又聞獵者云凡悞中藥箭急飲麻油則藥毒不行後於西山親見一人被虎箭穿股叫號不忍急以

此灌之良久遂定又聞鄭學諭曾用之効

黃耆丸 治因用針砭傷其經絡白濃赤汁逗流

不止 生黃耆錢八 川歸錢三 木香 沉香

肉桂 乳香各一錢 右諸香並不見火為細末用

荒草粉生薑汁煮糊為丸梧桐子大溫水吞四

五十九

忍冬丸 療渴疾既愈之後須預防發瘰癧大宜

服此 忍冬藤根莖花葉皆可用以無灰好酒

浸以糠火煨一宿取出晒乾入甘草少許研為

赤水玄珠

卷五

七

細末以酒浸酒打麵糊為丸梧桐子大每服五  
十九至百丸不拘時酒飲任下 此藥不特治  
瘰癧大能止渴并治五痔諸瘻等疾

援生膏

治諸般惡瘡及癩癧鼠瘻總起者點破

即愈

血竭

乳香

沒藥各一錢

蟾酥輕粉各三錢

雄黃五錢

射香五分

右用蒼麥積灰或真炭灰一斗

三升淋灰湯八九碗用粟柴或柴柴文武火煎

作三碗取一碗收留二碗盛於好磁器內候溫

將前七味藥研為極細末入灰湯內用鉄瓢或

桑柳枝撓再以好風化石灰一升入藥灰湯內  
撓勻取出候冷過宿盛于小白磁罐內凡遇諸  
惡瘡點在當頭一日二次三日又一次瘡頭食  
破約五分血水出為妙惡日久藥乾將前收留  
灰湯入之

烏龍膏一名烏金散

一切腫毒瘰癧收赤暈

木別子去殼

半夏各二兩

小粉四兩

草烏五錢

右於鉄銚內慢火炒令轉焦為細末出火毒再  
研以水調稀稠得兩敷毒四圍留頂出氣或以

醋調亦得

透膿散 諸瘰癧瘡及貼骨瘰癧不破者不必刀針  
以此點之不移時其膿自透累驗

蛾口繭子出蛾有口者 右燒存性以酒調服切記只  
用一枚不可多用如用二三枚即有二三口也  
慎之此方絕驗勿忽

通門散 一切瘡疽無頭腫痛 山梔子三錢

大黃二兩 牡蠣炒五錢 地龍去土三錢 炙甘草五錢

每服六七錢水煎服以利為度

乳香拔毒散 一切瘡腫瘰癧消毒 黃芩各二兩

黃栢 地骨皮 乳香 沒藥各二錢

為末涼水調攤貼腫處效

立効散 發背諸瘰癧瘡癰乳瘰癧與前方間服神

効 皂角刺不用枯者剉而炙炒 生粉草二兩

乳香五錢 沒藥一兩 括萎五枚取肉炒

右為末每服二錢無灰酒調下

灸法 瘰癧初發小點一二日間急以大蒜頭橫

切如錢貼其中心以小艾炷灸之五壯而止若

形狀稍大以黃稗紙蘸酒全貼看先乾處為筋  
 脚於脚處灸之或兩處先乾皆灸但五七壯而  
 止又法屈指從四圍尋按遇痛處是根就此  
 處重按深入自竟輕快即此灸之更於別處灸  
 若腫大即搗蒜餅焙乾蘸法醋炙熟更換頻爇  
 或以熨斗火於蒜上熨之逐次更換熱餅頻熨  
 如竟患處走散以綿帛覆蓋勿令氣泄俟少間  
 敷藥凡瘡疽腫大如鷲之形須看頭向上下先  
 灸其前兩脚次灸其尾或紅筋走緊而長從盡

處灸之須番頭并後兩脚勿灸設盡灸之不惟  
 火氣壅聚彼毒無所走散反攻入裏也倘辨認  
 不明以白芷三分 漢椒 粟白皮 各一  
 連根葱白十根 新水煎入酸醋半盞淋洗少  
 頃其筋自見可以辨認頭尾

萬病解毒丸 瘰癧發背魚臍毒瘡藥毒草毒挑  
 生蛇毒獸毒諸惡瘡病 五倍子 錢五 山荳根  
 山慈姑 一兩 全蝎 錢五 紅牙大戟 錢七 射香 錢一  
 續隨子 霜取仁去油取 各半兩 硃砂 雄黃 各二錢

右件先以前五味入木臼搗羅為細末次研後  
四味夾和糯米糊丸分作三十五丸端午七夕  
重陽臘日淨室修舍每服一丸生姜蜜水磨下  
井水浸研敷患處解毒收瘡救病神妙硃砂雄  
黃乃瘍醫五毒攻乃瘍中物也

加味八味丸 降心火生腎水治諸渴疾癰疽未

發前已瘡後渴症通用 熟地黄焙二兩 山藥微炒

山茱萸蒸取肉焙各一兩 辣桂去粗皮五錢 澤瀉截作塊酒

甌內蒸五 牡丹皮焙 白茯苓各錢 五味子慢火

次到焙

研兩 右為細末煉蜜候冷和丸如梧桐子大每  
服三十九丸空心鹽湯下

神仙太乙膏 治癰疽及一切惡瘡軟癰不問年

月深淺已未成膿並宜治之 蛇虎傷蜈蚣犬咬

傷湯火刀斧所傷皆可內服外貼如發背先以

溫水洗瘡淨軟綿拭乾却用緋帛攤膏藥貼瘡

即用冷水下血氣不通溫酒送下赤白帶下當

歸酒下咳嗽及喉閉纏喉風並用新綿裹膏藥

置口中含化一切風赤眼用膏捏作小餅貼太

未及不味

陽穴後服以山梔子湯送下打撲傷損外貼內服橘皮湯腰膝痛者患處貼之內服鹽湯送下唾血者桑白皮湯下諸痛先以鹽湯洗淨諸血量大小以紙攤貼每服一丸如櫻桃大蛤粉為衣其膏可收十年不壞愈以愈烈一方又遠癩癰同上癢瘡鹽湯洗淨貼酒下一丸婦人血脈不通甘草湯下一切瘡癤并腫痛及疥癩別煉油少許和膏塗之  
玄參 白芷 當歸  
赤芍藥 肉桂 去粗皮 大黃 生地黄 各一兩

右剉碎用麻油二斤浸春五夏三秋七冬十火熬黑色瀝去渣入黃丹一斤青柳枝不住手撓候滴水成珠不住手為度傾入磁器中以磚蓋口掘子窰埋陰樹下以土覆三日出火毒欲服丸如鷄頭子大

神異膏 治發背癰疽諸般惡瘡癤其效如神治疽疾先以麥飯石膏塗敷俟其瘡根脚漸收放徑寸大脚用神異膏貼之收口此藥隨其人病深淺取效合時不可與婦人鷄犬猫厭穢物見

玄參兩半 杏仁去皮尖 露蜂房淨炒  
者為 男子亂髮洗淨焙 綿黃芪分全蛇退  
錢五 黃丹飛細 右用真麻油一斤用髮入銀  
 鈔中文武火熬候髮焦鎔盡以杏仁投入候變  
 黑色用好綿瀝去渣再將所熬清油入鈔內然  
 後入玄參黃芪慢火熬一二時取出鈔子安於  
 坩上半時久火力稍息施入露蜂房蛇退二味  
 將柳枝急撿却移鈔放火上不住手撿慢火熬  
 至紫黃色用綿瀝過復入清油在鈔內乘冷投

黃丹急撿片時又移鈔于火上以文武火慢火  
 熬不住手柳枝撿干餘轉候藥油變黑色滴水  
 中凝結成珠則是膏成就若珠子稀再熬少時  
 必候其得所然後磁器內收封待用或恐偶然  
 火熬太過稍硬難用却少將臈熬麻油在內以  
 磁器盛封蓋於甌上蒸乘熱攪調收用膏藥熬  
 成了須連所盛磁器置爭水中出火毒一晝夜  
 歇三日方可用日換二次夜換一次熬此膏藥  
 極難於火候須耐看火緊慢火猛則藥中火發

不特失藥性，又傷人面目，救助不及，千萬謹戒。  
膏藥方甚多，不下數十。治疽之神，無出此方。千  
金不換，林瘡尤妙。

萬金膏

治疔疽發背，諸般瘡癤，從高墜墮，打撲  
傷損，脚膝生瘡，遠年癰瘡，痔漏一切惡瘡。又云  
專治發背，神妙不可具言。或初竟若做瘡，用牛  
皮膠令稀稠得所，如藥化攤在毛頭上。於初竟  
處，或有做瘡處，貼次用軟布帕子二條，於醋米  
醋內煮令熟，漉出，互相放熬紙上，乘熱蒸熨，不

可令布帕冷，布帕二條不可都齊漉出。當留一  
條于醋內煮候，蒸熨時一條冷時，却取醋內煮  
者熨之，俟冷却，又於醋內取熟布蒸熨，庶幾常  
得熱布替換，即易見效。若瘡痒，乃是藥攻其病，  
須忍痒，不止直候膿出，將尽，即濃煎黃連湯候  
溫，洗去膠紙，次日依前更洗。若上有膿，又如前  
法蒸熨，雖連數日，蒸熨不妨，但要瘡中膿尽，瘡  
乾為度。然後用生肌紅玉散，搽在瘡上，即以萬  
金膏貼，每日一上，或兩上，每用再蒸熨，並如前



先鋪膠帝于瘡上了亦如前用貫衆湯洗入膠  
 紙 龍骨 鱉甲 玄參 黃柏 草烏  
 黃連 烏賊魚骨 黃芩 白芨 白欬  
 猪牙皂角 木別子 當歸 白芷 川芎  
 厚朴皮去粗 槐枝 柳枝各四寸長 乳香半  
 沒藥半另研各 黃丹水飛淨炒過 清麻油四斤入  
赤色去粗秤 右除乳沒丹外餘藥入油內慢火  
淨油三斤 煎候白帶焦色去粗入黃丹一半不住手攪令  
 微黑色更入黃丹仍攪待滴入水中成珠不粘

手為度攪温下乳沒末攪勻磁器盛用時量瘡  
 大小攤紙貼之治諸惡瘡加自然銅肉桂各一  
 分一方無當歸

磨風膏 治頭面五發瘡腫疥癬等疾及湯泡傷

磨風止痛滅癩痕 白附子 白芍藥 白茯苓

冬零令香 白芨 白欬 白芷 白檀

藿香 升麻 細辛 黃芪 甘草 杏仁去皮

尖各 腦子 括萎根二兩 大栝萎去皮 黃臘

芝麻油 右前十四味剉油內浸百日於臍日

木火炭上銀石器內煎至白芷微黃色離火入  
枯萎二味着內煮百沸重綿濾去粗再慢火上  
煉油香下削淨黃臈熔開為度傾在磁器內收  
貯上摻腦子密封旋用磨風塗之

金絲萬應膏

治癩撲傷損手足肩背并寒濕脚

氣疼痛不可忍小兒脾疳瀉痢咳嗽不肯服藥

者 瀝清二斤 威靈仙二斤 草麻子二百枚 黃臈

木別子二十八枚 沒藥 乳香各一

麻油夏二兩春 秋各四兩

右先將瀝清同威靈仙下鍋熬化以槐柳枝撓  
候焦黃色重綿濾過以瀝清入水盆候冷成塊  
取出秤二斤淨再下鍋煖開下麻油黃臈草麻  
子泥不往手槐柳枝撓勻須慢火滴入水中不  
粘手扯拔如金絲狀方可如硬旋再加油少許  
如軟加瀝清試得如法却下乳香沒藥末起鍋  
在炭火上再用槐柳枝撓數百次又以粗布漉  
下水盆內扯拔如金絲頻換水却用小銚盛頓  
如落馬墜車被傷疼痛處穴上炙熱貼透骨肉

為驗連換熱水數次浴之則熱血聚處自消小兒脾疳瀉痢貼肚上咳嗽貼背心上

洗藥神硝散

專治瘰癧潰爛臭穢朴硝一兩

蛇床子研破右二味和勻每用三錢水一碗煎三五沸通手洗瘡上用後藥搽之

聖効散

收斂瘡口黃栢一兩去粗皮炒赤色穿山甲一兩

炒黃

檳榔木香各半兩炒黃色右為末每用少許

候木膿出尽洗淨方可乾搽瘡上

阿膠飲

一切瘰癧癩毒牛膠剉蛤粉草各

橘紅錢五分三帖水煎服

家藏神驗血竭膏

當歸酒洗白芷大黃黃連

黃栢木别子去壳皂角杏仁露蜂房各一兩

乳香沒藥血竭各三兩血余一兩飛丹一斤

麻油斤二右除乳沒血竭餘藥入油熬焦去渣熬

至滴水成珠下丹將柳樹棍不住手攪軟硬適

中入乳香等攪勻即成膏矣薛立斋云血竭

取其以毒攻毒也若惡瘡已去毒氣既消宜用

神効當歸膏以其生肌續筋也

李氏云瘰疬不服內托散及失宣通內毒以致因  
喉口舌生瘡甚則生紅黑菌客入甚速當用瑠  
珀犀角膏治之向有患此症者諸法不效與此  
藥一日而安

琥珀犀角膏 真琥珀 犀角 辰砂 飛 茯苓 各三

冰片二分 人參三錢 酸棗炒二錢 右為末煉蜜丸

彈子大每服一丸麥門冬湯化下

李氏云瘰疬不服托裏之藥熱毒內攻喉舌生瘡  
甚至黑爛當服犀角散以解其毒

犀角屑 玄參 升麻 黃芪 赤芍

麥門冬心去 生粉草 當歸各一兩 大黃微炒三兩

右為粗末每服三錢水煎

薛氏云前方破血降火內疎之劑也若其脉沉寒  
大便秘結發熱作渴喜飲冷者屬熱蓄於內方  
可用之若其脉虛浮大便不結發熱作渴畏飲  
冷者乃屬血虛於外可用當歸補血湯若尺脉  
洪數而無力發熱作渴小便頻數者屬腎水不  
足虛火上炎宜用加減八味丸蓋此症多因腎

水虧虛火上炎故也

內托黃耆丸 治針砭所傷惡寒發熱膿水不止

肌肉不生瘡口不斂 黃耆八兩 川歸酒洗三兩

肉桂心 木香 沉香 乳香各一兩 芫荽末四兩

右為末以姜汁打芫荽末糊為丸白湯吞

薛氏云若肌肉傷而瘡口不斂用六君子湯以補

脾胃 若氣虛惡寒而瘡口不斂用補中益氣

湯以補脾肺若血虛發熱而瘡口不斂用四物

參朮以滋肝脾 若膿多而瘡口不斂用八珍

湯或十全大補湯以養血氣經云脾主肌肉如

前藥未應但用四君歸耆以補脾胃更不應乃

下元陽虛急用八味丸以壯火生土若脉數發

渴者難治此真氣虛而邪氣實也

李氏云近有數人病背疽或先寒後熱先熱後寒

或連日或間日必嘔痰大汗而止皆用柴胡梔

山不應乃脾氣不正復感寒邪痰盛而作遂先

用不換金正氣散次用排膿內補散木香湯三

日而愈 若外邪既去而仍嘔不止宜用六君

子湯以補脾胃○大凡胃氣虛而作嘔者必喜

溫熱毒內攻而作嘔者必喜冷治當辨之  
家傳不換金正氣散 治感冒風寒或傷生冷或

瘡瘡或疫癘 蒼朮米泔浸 炒四兩 厚朴姜汁拌 炒四兩

炙甘草二兩 橘紅三兩 藿香葉 半夏姜制 二兩 木香溫酒 煎

人參 白茯苓各一兩 右每服五錢加姜東水煎

凡疽愈後忽發渴而不救者十有八九或先渴而

患疽者尤為難治急用加減八味丸可免前患

如能久服永不作渴亦無疽症且氣血皆壯真

神劑也

薛氏云前症屬腎水枯涸虛火上炎口乾作渴飲

水無度或舌黃作裂小便頻數或痰氣上壅煩

躁不寧或二三年先作渴飲水或口舌生瘡而

足發熱多痰或瘡愈三年而口乾作渴小便頻

數急用前藥多有復生者能逆知其因預服前

丸可免此患若兼手足厥冷真陽虛也宜服八

味丸大凡瘡後審其腎水不足用加減八味丸

中氣虛弱用補中益氣湯氣血虛弱用十全大

赤水玄珠 卷之三 九

補湯陽氣虛寒加姜桂如不應<sub>用</sub>八味丸

加減八味丸 熟地黄<sub>八兩</sub> 乾山藥<sub>八兩</sub> 山茱萸<sub>去核</sub>

五味子<sub>炒各四兩</sub> 肉桂<sub>一兩</sub> 牡丹皮 白茯苓<sub>各二兩</sub>

澤瀉<sub>切片蒸五兩</sub> 右煉蜜為丸梧子大每服八十

丸五更未<sub>言</sub>語前白湯下

黃耆六一散 黃耆<sub>大兩</sub> 粉草<sub>半生半</sub>

右為末每服二錢空心日午白湯調下不應作

大劑水煎服

薛氏云忍冬丸解熱毒消渴之藥也六一湯補氣

虛作渴之藥用之無有不驗

五味子湯 腎水枯涸口燥舌乾 五味子

麥門冬<sub>各一兩</sub> 黃耆<sub>炒三兩</sub> 人參<sub>二兩</sub> 炙甘草<sub>五錢</sub>

右每服五錢水煎服

此方乃滋其化无之劑設腎水既涸虛火上炎燥渴須佐以加減八味丸

李氏云痼疾將安每日當服十全大補湯以補氣

血宜與排膿內補十宣散相間服

薛氏云潰瘍屬氣血俱虛補之固當若患腫瘍而

氣血虛弱者尤宜預補否則潰而不斂凡大病之後氣血未復多致再發若不調補必變為他症而危或誤以為瘡毒復發反行攻伐速其斃也深可戒諸

神効托裏散 治一切癰疽發背腸癰

黃芪益水 忍冬葉 當歸各五錢 粉草二錢

右酒煎服渣敷患處 此乃托裏消毒之良劑也

神効瓜蒌散 治乳癰癰癰與疔効散相間服

黃瓜蒌一枚 當歸尾 甘草節五錢 沒藥一另

右用酒三碗煎一碗分三次服未成即消已成即潰

左効散 治癰疽癰癰 皂角刺半斤 粉草二兩

乳香 沒藥各一兩 黃瓜蒌五個連皮研碎

右每服一兩好酒煎服

薛氏云二方治癰疽癰癰鮮盡止痛通用之良劑也若癰癰寒熱焮痛腫赤乃肝經氣病當清肝火以養肝血若寒熱既止而核不消乃肝經之血亦病也當養肝血以清肝火若初如草粒看



於筋肉色不變內熱口乾精神倦怠久不消潰  
乃脾肝虧損當健脾土培肝木外臺秘要云肝  
腎虛熱則生癰矣病机云癰癰不係膏粱丹毒  
因虛勞氣鬱所致補形氣調經脉其瘡自消若  
慢下之必先犯病禁經禁矣

綠雲散

治五發毒瘡於背腦或手足

此方治金

有神

鳳尾草

形如鳳尾葉背有金星炙乾一兩

粉草

錢一

用酒一碗煎三五沸入冷酒一碗飲之以醉為  
度立效

清涼膏

治一切瘡瘍膿去後用之

當歸兩二

白芷

白芨

木别子壳去

黃栢

乳香

白歛

白膠

各五錢

黃丹

淨五兩

麻油

十二兩

右入油煎黑去粗入黃丹以槐柳枝不住手順  
攪再煎成膏乃下乳香等藥

碧油膏

止痛排膿灸後用此

菝枝

柳枝

棠枝

槐枝

乳香

血竭

各五錢

黃丹

淨四兩

右用麻油十兩照常法煎成膏入乳香等任貼  
神效酒煎散 治一切瘡瘍其效如神 人參

沒藥 當歸尾各一兩 甘草 括萎一枚半  
右以酒三碗煎二碗分四服粗焙乾加當歸末  
一兩酒糊丸桐子大每服五十丸以酒下 善  
消毒活血

經驗方 治金石發瘡 黑鉛一斤 甘草三斤  
右用酒一斗置磁器內先以甘草置在一邊另  
將鉛熔投酒一邊取鉛再熔仍投丸度取酒飲  
醉寢即愈

治瘰疬用生甘草為末酒調二錢服連進數服自

消 前方乃清熱消毒之劑若目膏梁積熱金  
石苦毒血氣壅滯者最宜如脾胃虛血氣痞滯  
者不宜驟用恐胃寒故也

升麻湯 肺癰胸乳間作痛嘔吐膿血腥穢

升麻 苦梗 以仁 地榆 黃芩 赤芍  
丹皮 甘草 各等分水煎服

穀道前後生瘰謂之懸瘰 粉草一兩截斷以潤  
水浸潤炙令透內細剉無灰酒煎服有久患此  
者已破服兩劑瘡即愈

崔氏云治手足甲疽或曰修甲傷肉或曰損足成瘡潰爛上脚用元九置鐵板上煨色赤如金者為真沸定取出研末以鹽湯洗搽之

薛氏云前症即脫疽也此方固有良驗尤當調元氣為善大抵此症先醇酒炙燂膏梁厚味傷脾或房勞虧損腎水故有先渴而後患有先患而後渴者若色赤作痛自潰可治色黑不潰不治色赤作痛者先用隔蒜灸活命飲托裏散再用十全大補湯加減八味丸色黯不痛者隔蒜灸

業投灸亦用十全大補湯加減八味丸則毒氣不致上侵元氣不致虧損庶可保生亦有曰修手足口咬等傷者若元氣怯弱或犯勞事外塗寒涼內服剋伐損傷脾胃患處不潰色黯上延亦多致死重者須解去當以脚力轉解周髀輕拽使筋隨骨出而毒得洩否則毒筋內斷仍上潰雖云無益且偏僻之處氣血罕到藥難道達况攻毒之劑先傷脾胃反損元氣不若灸法為良重者須解毒為善故孫真人云在肉則刺在

我則截雖親之遺躰不忍毀傷然不如是則勢必至于夭歿非體親之心也况患處已壞雖解不痛又何憚而不為乎女子亦有此患多因鬱怒虧損肝脾所致治法與前同

○疔瘡

多生四肢發黃疔中或紫黑必先痒后痛先寒后熱也

夫疔瘡者皆臟腑積受熱毒邪氣相搏於經絡之間以致血凝滯注于毛孔手足頭面各隨五臟部分而發也其形如粟米或疼或痒以致遍身麻木頭眩寒熱時吐嘔逆甚則四肢沉重心驚

眼花蓋疔腫初發時突起如疔蓋故謂之疔余蓄毒氣突出寸許痛痒異常一二日間害人甚速是尤在癰疽之上也內經以白疔發于右鼻赤疔發於舌根黃疔發于口唇黑疔發于耳前青疔發於目下蓋取五色之應五臟各有所屬部位而已然或肩或腰或足發無定處如在手足頭面及骨節間者最急其餘猶可緩也凡疔瘡皆宜刺瘡中心至痛處又刺四邊十餘刺令惡血出乃敷藥力方滲入于針孔中則佳若

不刺破藥力不能入又看口中頰邊舌上有赤黑如珠子者是也諸疔名目雖多其治法畧同初起宜以針刺出毒血將蟾酥丸或迴疔錠子之類從針孔維入之上用膏藥貼之仍服飛龍奪命丹發汗及五香連翹漏芦湯之類并清心之劑蓋諸瘡皆屬心火心清則毒氣消散而易愈矣

追毒丹

取黃去疔頭追膿毒立效

蟾酥用酒化

蜈蚣酒炙

硃砂

白丁香

各一錢無此味加巴豆

雄黃二錢 輕粉一錢 硃砂二錢為衣 巴豆七粒去壳  
 右為末用酒打糊為丸麥子大兩頭尖入於針破口內用水沉膏貼之後用膏藥及生肌藥追出膿血毒物又有如黑陷漏瘡者四圍死敗肉不去不生肌者不可治也亦用此藥追毒去死肌敗肉生新肉愈矣小者用一粒大者加用之病輕者不必用針只以手指甲爬動於瘡頂上安此藥水沉膏貼之其瘡即時紅腫為度去其敗肉為妙用之神驗

水沉膏 將白芨末放在盞內用水下去用膏貼之如用膏不可用生肌藥凡用拈点之藥用此膏圍貼則不傷好肉

追疔奪命丹 能立取效驗使腫內消

羌活 獨活 青皮君 防風君 黃連 赤芍

細辛 甘草節 蟬退 姜蚕 金線重樓

澤蘭 金銀花各等分

有膿加 何首烏 白芷要通利加 青木香

大黃 梔子 牽牛毒在下加 木瓜各等分

右每服五錢先將一貼加澤蘭金銀花各一兩生薑十片同藥搗爛好酒鍍之熱服不善酒者水煎仍以酒水各一盞半生薑十片煎至熟服之汗出為度病退再加大黃二錢煎熟取利一兩次去餘毒為妙

此方以藥味現之甚若不切然效速如神方不失一百發百中如有別証再出宜隨加減治之若心煩嘔吐加甘草節一錢 荒荳粉一錢 酸漿水下 嘔逆惡心加乳香荳粉甘草湯下

飛龍奪命丹

治疔瘡發背腦疽乳癰附骨疽一切無頭腫毒惡瘡服之便有頭不痛者服之便

痛已成者服之立愈此乃惡症藥中至寶病危者服之立安萬無失一係神人之秘方不可輕

忽血竭

錢一

蟾酥

乾者二錢酒化

乳香

沒藥

銅元

硃砂

為衣各二錢

雄黃

錢三

輕粉

分五

膽礬

寒水石

錢各一

射香

冰片

各五分

海羊

二十一條即蝸牛

蜈蚣

去頭足一條酒炙

右為末先將海羊連壳研如泥

和煎藥為丸菴荳大或加酒打麵糊每服二九

先用葱白三寸爛嚼吐于手心男左女右將藥包在葱內無灰酒三四盞送下避風處被蓋出汗約入行五里許再以熱酒數盃催之以汗出為度

服前藥二九即消如汗不出重者再服二九汗出即効三五日重者再進二九即愈如疔走黃過心者難治汗出冷者亦死如病人不能嚼葱搗碎裹藥以熱酒吞下服此藥後忌服冷水冷物黃瓜茄子猪魚鷄鷺羊濕麵一切發毒

動風之物不可食之及月婦狐臭人勿見之此藥活人萬誠外科是鑰

拔黃藥 用真取蟾酥飛羅麵為丸梧子大可將

一九放在面前舌下即時黃出

百二散 又名護心散 治發疔煩躁手足不住發狂者

急宜服之 左在瘰疬門

蟾酥膏 治疔 新蟾酥以白麵黃丹搜作劑圓

如麥穎大用指甲爬動瘡上挿入重者針破瘡頭用一粒內之仍以水沉膏貼

回瘡錠子 治疔瘡大妙 草烏頭 西一 蟾酥

巴豆 十箇 射香 字一 右為細末麵糊和就捏作

錠子如有惡瘡透疔不痛無血者用針深刺至痛處有血出以此推之上用膏貼疔瘡四畔推

之其疔二三日自然拔出此藥最宜緊用 此

証大抵與傷寒頗類其中亦有可針鏃磁射出

血者亦有久而敗爛出膿者其間變異百端不可不慎也

內托連翹散 疔瘡出時皮色不變不疼痛按揉



不動身發寒熱便是此瘡有水疔魚疔紫燕  
疔火疔諸般疔瘡如瘡黃于黃上用針刺仍服  
內托散自然消散 連翹 生地 白芷  
赤芍各一兩 大黃 山梔去頂 薄荷各七錢 朴硝二兩  
黃芩五錢 甘草半一兩 每服一兩灯心竹葉各  
十莖水煎服其人喘如人參少許大病只三四  
服愈如服下心煩嘔者以護心散止之

護心散

甘草五錢

紫葳粉一兩

為末分作二次

酸薤水下

破棺丹

治疔走黃不止

川歸

赤芍藥

山梔仁

牽牛各二兩半

連翹

牡蛎

金銀花

紫花地下各一兩半

京三稜

甘草各二兩

大黃三兩

右為末煉蜜丸彈子大每服一九童便化開服

忌飲酒及生冷

治疔走了黃打滾將死者

牡蛎

大黃

木通

山梔子

金銀花

連翹

牛旁子

地骨皮

乳香

沒藥

括萎

皂角刺

每服五錢

壯

實者加

朴硝

用水一盞

酒半盞煎服

此乃救

命仙方也

鐵粉散 治冷疔瘡經久不効用此大妙

多年生鐵炒過三錢 松脂錢一 黃丹 輕粉各五分

射香分一 右為細末清油調塗瘡口立効

走馬赴筵丹 治疔瘡 沒藥 乳香 蓬砂

礪砂 雄黃 輕粉各三錢 冰片分一 射香分一

右為細末蟾酥汁和為丸黃米大每服一九溫酒送下立効

金砂散 取疔瘡道人頭微炒一兩 礪砂三錢

雄黃錢三 蟾酥以多為奴 右將瘡四圍刺破以少

油調藥末置於瘡內緋帛封之數日疔自出

蒼耳散 治一切疔腫神効

蒼耳草根莖苗子但取一色便可用燒存性研

細末用好米醋米泔澄淀和如泥隨瘡大小塗

上厚二分乾即易之不過十度即拔根出須針

破塗之加雄黃丸妙

蒼耳與白蝨研爛貼疔上拔去根 毒氣入腹嘔

吐者搗蒼耳汁飲之立効

治疥最有効用。蟬退僵蚕為末，醋調塗。四圍罨瘡口，俟根出稍長，然後拔去，再用藥塗。海藏方。單用姜蚕為末，津調塗亦佳。

治疔危篤者，二服即愈。輕者一服立効。

土蜂房能利大小便 蛇蛻一條 用瓦器盛

鹽塊固濟，火煨存性，研為細末。每服一錢，空心

好酒調下，少頃腹中大痛，止其瘡已化，黃水

矣。仍服后方。

五聖散 大黃一兩 生薑 皂角刺 金銀花各二兩

瓜蒌一枚 甘草一兩 用好酒二升煎，分不病

時服。

治疔瘡最驗。蒼耳 臭牡丹 各一大握，搗爛。

新汲水調服，瀉下黑水即愈。單用蒼耳葉搗

汁和童便服，一日三次立効。

肘後方。疔腫垂死者，一服立効。菊花葉紫莖

一握，搗取汁一升，入口即活。此神驗。根莖葉花

蒼耳散 治疔瘡，累用神効。蒼耳根三五錢

烏梅 五箇 帶鬚葱 三根 用酒二鍾煎，至一鍾熱。

服出汗後不散然後用勝金散

勝金散 取鐵屑炒為末每服四錢或三五六錢

用藥水滾過停冷調服不吐為佳

○反花瘡瘡有努肉凸出者是也

聖惠方治諸瘡努肉如蛇頭出數寸者硫黃末敷

之即縮

附後方 治瘡有肉突出烏毒燒灰敷五消

又方 白毒肉杵細入蜜捏成餅貼之妙

又方 馬齒莧燒灰研末猪脂調敷

瘡突出寸許根如小莖或大如梅者用花腳蜘蛛

絲纏其根則漸乾而自脫落

又方 甘草半生半炒 枯凡 人中白 密佉僧分

右為細末以童便半盞用無灰酒和熬竹篾攪

成膏塗瘡上日三五次

經驗方 胭脂不 貝母各三錢 胡粉二錢 白礬砂

沒藥各二錢 為末先用溫漿水洗後服藥

天○雜瘡

諸惡瘡入心腹嘔逆藥食不下 荒荳粉兩半

和水土珠 不...

乾胭脂錢三 定粉錢二 為細末新水調下效

天泡瘡通聖散及蚯蚓坭畧炒蜜調敷妙若從肚

皮起者裏熱發外速服通聖散

天行斑瘡須更遍身皆戴白漿此惡毒氣永微四

年此瘡自西域東流於海內但煮葵菜葉以蒜

麤咬之即止

人面瘡昔有人左膊有瘡如面歷試諸方惟浚

以貝母為末水調灌之數日乃結痂遂愈

是指内生鷄眼子用鷄胃中食指之餘者以石

歷之立驗

天泡瘡小麥炒焦為末以生桐油調敷效若神速

治一切瘡疥神異膏 全虫去尾洗 蛇床子取末

皂角錢一 巴豆去壳 麻油兩 黃膈兩 雄黃研

末三 輕粉五分 右先用全蝎皂角巴豆煎油

黑色去粗入蠟化開取出俟冷入雄黃輕粉蛇

床子末攪勻成膏每用少許搽瘡上須先以苦

參湯洗過絕妙

苦參湯 苦參 蛇床子 白礬 荆芥

卷五 卷六

胡水... 五... 三...

各等分煎湯溫洗

治漏瘡不收口 五倍子末 血竭末填塞之効

治一切瘡 葵花散 葵花 梔子 黃連 黃栢

各等 為末冷水調貼痛處

百合散 治頤頰瘡一名獨骨瘡 百合 黃栢

各一 白芨 二錢 草麻子 五十 為末朴硝水和餅

貼日三五次

面上耳邊生浸淫瘡久不愈出黃水 名香 辨瘡

殺羊鬚 荆芥 乾棗 去核各 二錢

俱燒存性研末入膩粉半錢每用少許清油調

搽先以溫湯淨洗拭乾塗藥二三次効

亦治大人小兒兩脇生瘡

附子散 治冷瘡日夜發歇疼痛 附子 半兩 炮 去皮 臍

川椒 去目 雄黃 研末各 七錢 半 枯凡 半

右為末麻油調敷瘡上日二次

白蒺藜散 熱毒瘡癢痒心神壅躁 白蘚皮

白蒺藜 炒去 防風 去 川大黃 炒 赤芍藥

梔子 麥冬 條苓 玄參 桔梗 前胡

新本草

炙甘草各一兩 為末每服二錢食後薄苧湯調服

七寶散 熱汗浸漬成瘡痒痛不止

黃耆 川芎 防風 荆芥穗 地骨皮

木通各二兩 明礬一兩 每用一兩水煎五六沸去

粗稍執濕淋患處拭乾避風 東垣此方曾治

推車客皮膚皴裂不任痛而手不能執轉足不

能履地曰製此藥與之即効明自遂行自是屢

用屢効

王女英 治瘡痒痛 滑石五分 菘苳粉微炒 四兩

右末之用綿包撲上妙 一方加東葉一兩

連翹飲 治諸惡瘡紅赤痛痒心煩口乾及婦人

血風赤斑圓點開爛成瘡痒痛流黃水

連翹 生地 川芎 括萎根 荆芥 黃芩

赤芍 麦冬 瞿麦 木通 大力子炒 防風

山梔 川芎 甘草各等分 每服五六錢水煎

加灯心二十莖不拘時服

紫花地丁散 諸惡毒瘡腫痛如神

川芎 紫花地丁 大黃 赤芍藥 金銀花

外科

三

五

新水... 本草

黃菁 各半 甘草根 錢二 每服一兩水酒各一碗煎

水銀膏 月餘瘡多在兩耳及竅邊隨月盈虛

水銀 二錢 黃連末 胡粉 松脂 各半 猪脂 四兩

右先熬猪脂令沸入松脂諸藥及水銀攪令勻

磁器收先以鹽湯洗淨塗上日三五度

治甲疽瘡疔 綠礬 燒赤 盧會 一錢

射香 二分 俱為末以絹袋盛包患指扎定以差

為度 漆瘡 生蠟取黃塗之效

又方 湯浸法硝冷洗之效 明礬湯洗亦妙

又方 生紫蘇擦之累效 又人乳汁敷之好

又方 乾荷葉一片水一斗煮濃汁洗瘡上日 三四

又方 無名異末水調服

代指 手指甲頭腫痛

烏莓肉并仁 研爛醋調稀入指浸之愈

升麻和氣飲 治瘡腫癰疥痒痛

升麻 桔梗 蒼朮 乾葛 甘草 大黃 各

錢 陳皮 二錢 當歸 半夏 茯苓 白芷 乾姜

外科

卷五

五



只壳各五白芍半一錢右作一服水煎服

當歸飲子治瘡痒疥癬濕毒風燥

當歸川芎防風白芍生地蒺藜

荆芥錢各半何首烏黃耆甘草錢各一右作

外一帖水煎食遠服為末亦可

除濕散大治一切風毒疥癬癩痒狀如癩風

苦參何首烏荆芥穗蔓荊子薄荷各二

白芷烏蛇酒浸一宿焙乾天麻川芎防風各半

右為末每服三錢酒調下日進三次六日一浴

冷汗出血氣宣通一月膚澤如故

一掃散一切瘡疥但相對而生者便是不問乾

濕痒痛日近年深用之立効

藜芦皮二雄黃錢五輕粉十蚌粉

水粉各一為末用大鯽魚一對入麻油煎熟

去魚攤冷調藥搽瘡若効遲加信末少許研

杏仁十粒近陰處勿加

消毒飲丹溪云消毒散氣表藥也防風一甘草二

荆芥穗三大力子四每服五錢水煎服

補水珠 卷之五

治皮膚風熱遍身生癩疹 大力子 浮萍等分

為末薄苛湯調下二錢日再

東垣云 每風瘡大風病相似好葉葉洗蒸一宿

日乾為末白湯調服二錢

姜蚕散 治風遍身癢疼痛成瘡

白姜蚕 洗焙 為末每服一錢酒調服一日三

次立瘥

衍義方 有人病遍身風熱細疹痒痛不可任連

腦脛臍腹及近陰處皆然涎痰多夜不得卧

苦參末一兩皂角二兩水一大升揉取汁銀石  
器熬成膏和苦參為丸如梧桐子大每服二十  
丸溫水吞次日便愈

小兒面瘡通面爛無完膚膿水流滿百藥不效陳  
年臍猪脂不入鹽者敷之若神

治諸般瘡疥加減法 腫多加白芷開鬱 痛多

加白芷方解石 痒多加枯凡 陰囊瘡加吳

茱萸濕多香油調 乾痒出血加大黃連猪

脂調 虫多加蕪荑錫灰栝即藜芦斑猫 紅

赤水珠

卷之五

五

赤方玄珠

色加黃丹青色加青黛在上加通聖散 在下部多用瀉川丸下之 脚腫多出血加血分 濕熱藥

膿胞瘡 治熱為主帶燥濕黃芩 黃連

大黃各三錢 蛇床子 寒水石二錢 黃丹五分

白礬錢一 輕粉 白芷 無名異各少許 木香少許

痛者加 為細末麻油調搽

虫瘡如癰狀退熱殺虫為主 乾疥瘡開鬱為主

加吳茱萸 蕪荑 黑狗脊殺虫 樟腦錢一

松栢頭上多加之 白礬 雄黃 硫黃 水銀殺虫

黃連 方解石分一 蛇床子定痒殺虫 松皮灰膿多

及柏油調搽 濕多加之

疥癩瘡春天發焦疥開鬱為主不宜孤破

枯凡 吳茱萸各二錢 樟腦五分 輕粉十帖

寒水石二錢半 蛇床子二錢 黃栢 大黃各錢

硫黃錢一 楨榔錢一 右為末猪脂調搽

治癩疥濕瘡浸淫日久痒不可忍搔之黃水出瘡

后復發取羊蹄根去皮細切熬熱以大酢和先

赤水玄珠

洗净傳上一時再以冷水洗之日一傳瘡若為  
采傳尤妙  
外臺秘要治疥取羊蹄根和猪脂塗上或着鹽少  
許即結痂愈  
千金翼 治遍身風痒生瘡疥茵陳煎濃洗立效  
衍義云有久患遍身生熱毒瘡痛而不痒手足尤  
甚至頸而止粘着衣被曉夕不得睡痛不可忍  
以苜蓿三斗剉日乾之為末布席上使恣卧其  
間仍以衣被覆之既不粘衣被又復得睡不五

七日其瘡如失應手神驗  
浸淫瘡痛不可忍者發寒熱大煎末水敷瘡上乾  
則易之

外臺秘要 治卒發疥秘驗方 風化石灰和醋  
漿水調塗隨手即瘥 一法用石灰炒紅出火  
氣香油調敷 千金方淋石灰汁洗之  
木香散 一切惡瘡多時不斂此能生肌肉止痛  
木香 栝即 黃連 各半 白芷 錢三 為末先  
洗每日一次乾搽有水出勿訝未効再搽 又

方加地骨皮先于瘡上用溫漿水洗溫拭乾上藥妙不可言藥治下疳瘡如神

洗諸瘡疥取冬瓜藤或皮煎湯洗妙

治風癩瘡黃水瘡此方神效

用新竹筒十箇內裝黑豆一層頭髮一層數層至滿以稻糠皮火煨之於火盆內週圍固火煨竹筒內汁滴出以盞接之鵝翎掃於瘡上數日即愈

神仙活命飲 治一切惡瘡癰疽腫毒

川山甲 蛤粉炒黃 貝母 去心 甘草節 六分

防風 去又另 沒藥 六分 赤芍藥 六分 白芷 五分

當歸尾 錢一 乳香 錢一 天花粉 八分 金銀花 錢一

陳皮 錢三 右作一服用無灰酒一大碗慢火煎

令出氣量上下食前後服如患人能飲酒者服

藥後隨意飲三兩杯為妙詩曰

真人妙訣世間稀 一切癰疽總可醫

消腫如同湯沃雪 化膿立見肉生肌

消毒散 治一切惡瘡赤腫疼痛掃之如神

黃連錢五

地骨皮兩一

朴硝兩三

右為末每用三五分水一盞煎至七分去渣停冷用鷄翎掃之立效

婦人陰瘡

仲景云少陰脉滑而數者陰中即生瘡狼牙湯洗之狼牙二兩水濃煎以綿纏筋頭浸湯瀝洗陰中一日三度

治陰蝕瘡 洗塌散

甘草兩一

乾漆兩一

黃芩

地黄

當歸

為藥各二

龜甲兩五

右細切以水七升煮取

一半去粗以綿帛納湯中用榻瘡處良久即易

日二度每榻湯可作十里許即挹乾捻取甘濕

散薄敷瘡上使徧可經半日又以湯榻訖如

前敷藥有一婢此疾蝕處作兩瘡深半寸用

此湯并後甘濕散不經七日平復甚效

甘濕散

蚬蛇胆

青木香

硫黃

鉄精

射香

臨時加入綠射蛇毒若入早則蛇胆無力也

右等分為末每

取一錢井花水調日再服先令便利了即以後

赤水玄珠 卷之五  
方莖枝薰下部訖然沒取藥如碁子安竹管內  
入下部中日再度

莖枝薰法 取東南莖枝五七枝將枝頭輕敲碎  
綿纏之蘸硫黃末數轉令厚又截一竹筒先入  
下部中却將莖枝藥燒着入筒內薰之

仲景云蛇床子散濕陰中之主藥

蛇床子仁為末以白粉少許和勻相得如束火  
納入戶中自然濕散

莖胚散 陰蝕瘡 莖胚粉 蝦蟆灰 各二錢半

胭脂胚 一分 右為細末乾摻

沐浴長春散 男子下元陰濕久冷陰囊左右夜

痒抓之則喜住之則痛成瘡流水為害甚苦此

方極效 及治婦人陰濕子宮久冷

牡蛎 蛇床子 破故布 紫梢花 乾荷葉

官桂 各等 每用一兩半水一小鍋入葱白數

莖煎八分先薰後洗却用後津調散

津調散 治妬精瘡婦人陰濕瘡膿汁淋漓臭爛

黃連 款冬花 各等 射香 許少

為細末或先以地骨皮蛇床子煎湯洗軟帛拭  
 乾津調敷之 忌生湯洗  
 妬精瘡 青黛 款冬花分等 射香許少  
 為末先以紫白皮地骨皮煎湯洗軟帛拭乾津  
 唾調末藥敷  
 婦人玉戶疔瘡 及小兒走馬牙疳  
 活蜘蛛一枚以生薄荷葉或乾者包蜘蛛燒存  
 性為末酒調服之妙如小兒走馬牙疳以此  
 搽之效

癬

丹溪云初起發熱者防風通聖散去硝黃加浮萍  
 皂角刺

羅太無何首烏散 治脾肺風毒攻腫遍身癬變  
 成癩疹搔之成瘡或肩背拘急肌肉頑痺手足  
 皴裂風氣上攻頭面生瘡及治紫白癩風頑麻  
 風症  
 荆芥穗 蔓荊子 葳靈仙 何首烏  
 炙甘草 防風 車前子 各等分為末每服

蘇水

三

六



一錢食後溫酒調下白湯亦可  
癬在頸項間后延上至耳成濕癬他治不應以芫  
會一兩甘草半兩和勻先用溫漿水洗癬拭乾  
敷之效

一方 芫會 大黃 輕粉 雄黃 蛇床子

川槿皮 楨即 為末先刮破癬醃調塗之

乾癬積年生疥此搔之黃水出每逢陰雨即痒用

狼毒末塗之

栢脂膏治乾癬 栢油斤 黃臘半 杏仁五粒

朴硝一 右件鉄器內用老生姜葱白三根一  
順撓五七次前沸濾過成膏搽之

又方 山荳根末臘猪脂調塗之

祛濕散 多年濕癬大有神功 蚕沙四

薄苛兩半 為末摻之或用生油調搽

羌活膏 治頑癬疥癩風瘡成片流黃水久不瘥

羌活 獨活 明瓦 白蘚皮 硫黃 狼毒

各一兩 黃丹 白附子 蛇床子 輕粉

二錢 為細末油調成膏搽之

蘇水法

八宝散

治風癩松皮頑癬久不瘥神效

藿香 檳榔 破故布 大腹皮 雄黃

輕粉 硫黃 枯凡 各等分為末油調搽日

三五次瘡即搽之

香疥藥 治風疥癬瘡黃水瘡牛皮癬

輕粉 水銀 樟腦 各三 大風子 九枚

川椒 九粒 杏仁 二十粒 柏油 對 為細末疥

用絹包於瘡上熨之黃水瘡乾搽神效

抹散 治乾癬不瘥

天南星 草烏頭各用生一枚 為末以羊蹄根搗

取汁調塗不過三次妙絕

牛皮癬及久年頑癬神方

紅粉霜五分 明凡錢一 密陀僧錢三 川槿皮錢一

杏仁去皮油一錢 為末津唾調搽一日三次三日愈

脚瘡皮厚如癬或流黃水黃水延處即爛浸淫年

久不愈者 此方屢試屢驗瘡癬俱佳

紅束二枚去核將皂礬一錢納束中以苧麻繫

孔用好酒二碗慢火煮成膏不要攪動膏成

更不用以膏塗患處二三度全愈 若浸淫瘡  
初塗時畧疼少刻便止其瘡就結乾痂妙甚

臙瘡

夫臙瘡者皆由腎臟虛寒風邪毒氣外攻三里之  
傍灌於陰交之側風熱毒氣流注而脚生瘡腫  
爛疼痛臭穢步履艱難此瘡生於臙骨為重以  
其骨上肉少皮薄故難愈至有多年無已口開  
潤皮爛肉現臭穢可畏治法當先取蟲然後敷  
藥如隔紙膏麝香輕粉散之類須翹足端坐勿

多行履庶可全愈矣

隔紙膏 治內外臙瘡 當歸 白芷 黃連

五倍子 雄黃 沒藥 海螵蛸 血竭

白芨 白斂 黃蘗 厚朴已上各 黃丹

乳香二錢 輕粉一錢 右為細末用清油紙貼

藥敷瘡上給帛縛定有膿水解開刮去不緊再

貼藥如此數次即愈須先用燒鹽湯洗淨片帛

拭乾待片時水氣乾然後貼藥

又隔紙膏 專治臙瘡如神務要用絹帛縛得着

實貼肉方好過兩日取抹淨翻貼之  
 滴乳 沒藥 各二錢 黃丹 炒紫色 降真香灰 各兩  
 已上俱另為細末 真黃蠟 一兩 真蜂蜜 一茶匙  
 右將黃丹入銅鉢內炒紫色次下降香灰末攪  
 令勻却下蜜黃蠟另熬化傾入油蜜攪令極勻  
 然後下乳香沒藥輕粉片腦再用銅匙攪之又  
 勻待藥稀稠得所取出磁碗收盛勿令泄氣臨  
 用看瘡大小攤之油紙綿紙尤佳竹帛不耐藥  
 在中紙在外翻覆貼之

治臙瘡久不愈

龍骨 二錢

乾猪糞 半兩 煨

輕粉 許少

楨榔 兩半

乳香

沒藥 各一錢

右為細末先以燒鹽湯洗瘡以軟絹帛拭乾清  
 油調敷瘡濕則搽之

秘傳隔紙膏

治年月深久臙瘡不愈者

老松香

樟腦

谷丹 炒

水龍骨 即旧瓶

輕粉

又 不愈加

白芷

川芎

海螵蛸

總為細末溶化松香加少清油和之以油紙隨  
 瘡大小糊袋盛藥夾之用水洗淨縛在瘡口上

二日定四日一換若單用白芷川芎蜈蚣三味煎水洗之立效

屢驗方 枯丸三錢 墨煤煉存性 一兩 研勻以生桐

油做隔帛膏貼之先以五倍子川椒葱三味煎

湯洗拭乾貼藥一日一換七日全愈

又方 治似臙非臙 蜂蜜四兩 嫩松香一分

先將蜜熔滴水成珠次入松香末攪勻如上法

做貼洗亦同

又方 麻油二兩 熬至滴水成珠又將蜂蜜四兩熬

至滴水成珠將油換入又將伏龍肝四兩為末入內攪勻成膏先將瘡洗淨以膏塗之一日二次其效甚速

又方 冬青葉 臙猪胆 百草霜 二味和勻

將冬青葉與本人嚼爛先將瘡用椒葱湯洗淨

乃以臙霜敷後却敷冬青葉三四次便愈

粉麝散 治內外癩臭爛數十年不愈者

生角一枚 去肉取壳醋一盃炙醋盡為度煨

令百炮尽存性以盃蓋在地上出火毒為細末

赤水玄珠

卷之三十五

外科

入輕粉射香拌勻臨用先以葱水洗乾敷藥如  
絕妙絕

又方 新起未久者甚好 玉簪花葉小便浸貼

一日一換五日愈

諸凡瘡毒惡瘡多年臭爛成坑不收口者此方極

佳一七成功 乳香 沒藥各五錢 天靈蓋煨一兩

右為極細末摻之神靈鮑清溪之子患瘡沒腦

瘡肉爛成坑骨露不收口百藥無功敷此立效

大宮詹少溪吳馭閱校 終

